

**SI MOTOT**

**DUK ME**

**KUYAIN**

Niya kissa Yakan we niya ko aa inenan si Motot lumengngan. Mekerugpak iye penenan kuya. Inakanan we ne me kuyain we niya lai tambis si tengnga parang. Sinna me kuyain pegge batang teed siye mangan tambis. Pegtekka siye lai pein si Motot, "Gai hap kinakan buwa tambis iyan bang gai pinegsugpat engko bin." Me kuyain hawa baya de mamanganin, dinaak ne

we de pinegingket engko den. Hangkan pinegingket ne we si Motot. Ubus manaik ne me kuyain mangan tambis. Peglai ne siye diyata megkakan, ineggas we si Motot temmuk parangin manjari eggas ne me kuyain. Ga siye umubbas pegge megsugpat me engko den.

Seyitanin kuwe si Motot miyaan, lumengngan miha sine-sine teboo ne. Tuu iye si dunya dumain mahap manusiyain, seguwa makaatan manusiyain. Ekka pemesinna-sinna ne kite supaya kite teboo ne. Me kuya miyaan sinna teed sabab tambis inaka si Motot si siyehin. Kite isab me manusiyain, we napsu te tuu si dunyahin, pakale te aka-aka sayitan si kitehin. Pein seyitanin bang kite nangkew, gai kite lubagan meghinang duk pilakan kite. Gai tepikil te we iye udjud nen, dumain hadja kebinasahan tuu si dunya, seguwa si ahilat dem narka ketekikahan **ten.** Kuwe kuya miyaan du isab, hawa **dahaga den,** nuhut siye si Motot, ga ne

tepikil de kebinasahan den. Dem Kitab Injil inaka, we seyitanin dustaan manamal duk iye ne penuhutan megdustain.

Inaka dem Kitab Kalangan, jud siyam ayat sempu duk pitu we pemo-lean megdusehin dem narka. Duk inaka isab dem Kitab Roma, jud tellu ayat duwempu duk tellu duk ayat sempu, we kemon manusiyain kepegduse, ga niya bisan dembuwa ga duse ne. Seguwa tesulat du dem Kitab Injil Yahiya jud tellu ayat sempu duk ennem pinain, "Pegge kinasahan teed we Awlahu Taala dunyahin, hangkan pine-ngurung we ne Anak ne dembuwa-buwain, supaya kemon masandel si iyehin gai lepas seguwa tege umul sa panjang-panjang." Si Isa Almasi, Anak Awlahu Taalahin, pitu dem dunya nenggungan me duse ten bi. Hangkan bisan saingge hadje duse te, bang teyma te Isa Almasi duk sandel kite si iye, gai kite tepi dem narka, seguwa ampun ne me

duse ten supaya kite tepi si surga  
megadjak-adjak sa panjang-panjang.

Hangkan lebbahanun bi ne hinangan  
bi megdusehin duk teymaun bi ne  
Isa Almasi meketenggungan duse bin,  
duk kaam timbul, duk kaam tepi si  
surga. Ngampun kaam sainin:

“Tuhan, megbennal ku we dusehan  
ku. Pegsusunan ku ne me duse  
kun. Teyma ku ne tuu dem atey  
ku Isa Almasi, bakas menenggun-  
gan me duse kun. Ampunun ku,  
Tuhan Isa duk timbulun ku.  
Megpesalamat ku si kau we lasa  
nu si akuhin. Amin.”

Yakan Dialect

